



**Broj: 01-319/13**  
**Vareš, 28.11. 2013. godine**

Na osnovu člana 75. Ustava Zeničko-dobojskog kantona („Službene novine Zeničko-dobojskog kantona“, broj: 1/96, 10/00 i 8/04), člana 13. stav 2., člana 36. i 37. Zakona o principima lokalne samouprave u Federaciji BiH („Službene novine Federacije BiH“, broj: 49/06), člana 13. stav 1. Zakona o pripadnosti javnih prihoda u Federaciji BiH („Službene novine Federacije BiH“, broj: 22/06, 43/08 i 22/09) te člana 22. tačke 6. Statuta Općine Vareš – Prečišćeni tekst broj: 01-162/12 od 11.09.2012. godine, Općinsko vijeće Vareš na 13. sjednici održanoj dana 28.11. 2013. godine, *d o n o s i*

**O D L U K U**  
**o izmjeni i dopunama Odluke o općinskim komunalnim taksama - Prečišćeni tekst**

**Član 1.**

U Odluci o općinskim komunalnim taksama - Prečišćeni tekst, broj: 01-49/13 od 18.02.2013. godine Tarifa općinskih komunalnih taksi - Tarifni broj 4. mijenja se i glasi:

**TARIFNI BROJ 4.**

	<b>PRAVNO LICE (KM)</b>	<b>FIZIČKO LICE (KM)</b>
<b>I ZONA</b> Obuhvata naseljeno mjesto Vareš	1000,00	200,00
<b>II ZONA</b> Obuhvata naseljena mjesta Vareš- Majdan, Dabravine, Rajčevac, Ljepovići i Ponikve	950,00	180,00
<b>III ZONA</b> Obuhvata naseljena mjesta Hodžići, Pajtov Han, Zvijezda, Ivančevo i Gornja Vijaka	900,00	160,00
<b>IV ZONA</b> Četvrta zona obuhvata ostala područja općine Vareš koja nisu obuhvaćena zonom I, II i III.	850,00	150,00

### **Član 2.**

Pravna osoba koja u svom sastavu posjeduje više Poslovnih jedinica čije je sjedište u općini Vareš, plaća punu taksu predviđenu ovom tarifom za sjedište firme i jednu Poslovnu jedinicu, dok je za drugu, treću i svaku narednu Poslovnu jedinicu oslobođen plaćanja ove takse.

### **Član 3.**

Ako se firma ističe u II polugodištu tekuće godine, komunalna taksa se razrezuje u iznosu od 50% propisane.

### **Član 4.**

Ova Odluka stupa na snagu 8 (osmog) dana od dana objavljivanja na oglasnoj tabli Općine Vareš, a primjenjivat će se od 01.01.2014. godine.

**PREDSJEDAVAJUĆI  
OPĆINSKOG VIJEĆA**

**Zdravko Marošević**

Odluka je objavljena na oglasnoj tabli Općine Vareš dana 29.11. 2013. godine.

**OPĆINSKI NAČELNIK**

**Kovačević Avdija, dipl. pravnik**

## O b r a z l o ž e n j e

### I PRAVNI OSNOV

Pravni osnov za donošenje Odluke o izmjeni Odluke o općinskim komunalnim taksama - Prečišćeni tekst na području općine Vareš, sadržan je u:

- **Zakonu o principima lokalne samouprave u FBiH** („Službene novine FBiH“, broj: 49/06)
  - član 13. stav 2. alineja 4.: Općinsko vijeće u okviru svojih nadležnosti donosi propise o porezima, taksama, naknadama i doprinosima jedinice lokalne samouprave u skladu sa zakonom;
  - član 36.: U zakonom propisanim okvirima jedinice lokalne samouprave donose propise o naknadama i taksama, kao i provedbene propise o oporezivanju;
  - član 37. stav 1. tačka a) alineja 2.: Jedinicama lokalne samouprave pripadaju kao vlastiti prihod, lokalne takse i naknade čije iznose utvrđuje Općinsko vijeće u skladu sa zakonom.
- **Zakonu o pripadnosti javnih prihoda u FBiH** („Službene novine FBiH“, broj: 22/06, 43/08 i 22/09)
  - član 13. stav 1. tačka c): Jedinici lokalne samouprave pripadaju, kao javni prihod, naknade i takse u skladu sa propisima jedinica lokalne samouprave.
- **Statutu Općine Vareš-Prečišćeni tekst broj: 01-162/12 od 11.09.2012. godine**
  - član 22. tačka 6.: Općinsko vijeće u okviru svoje nadležnosti donosi propise o porezima, taksama, naknadama i doprinosima Općine u skladu sa zakonom;
  - član 86. stav 2. tačka a) alineja 3.: Vlastiti prihodi Općine su komunalne takse, druge takse i naknade u skladu sa općinskim propisima.

### II RAZLOZI ZA DONOŠENJE ODLUKE

Razlog za donošenje Odluke o izmjeni Odluke o općinskim komunalnim taksama – Prečišćeni tekst na području općine Vareš je sljedeći:

Presudom Ustavnog suda FBiH br: U-37/12, od 22.04.2013. godine, kojom je odlučeno o ustavnosti općinske Odluke o komunalnim taksama Općine Vareš navedeno je:

„Utvrđuje se da član 1. Odluke o izmjenama i dopunama Odluke o općinskim komunalnim taksama, broj: 01-62/07, od 29.03.2007. godine, Tarifni broj 4. općine Vareš, nije u saglasnosti sa Ustavom FBiH, ... između ostalog i iz razloga što je visina komunalne takse na istaknutu firmu određena i zavisno od djelatnosti koju pravna, odnosno fizička osoba obavlja“.

Da bi postupili u skladu sa navedenom Presudom, radna grupa je isključila djelatnost pravne, odnosno fizičke osobe, kao relevantan kriterij za određivanje visine komunalne takse za istaknutu firmu i kao kriterij za utvrđivanje visine takse uzela je:

Područje općine (zona) u kojoj se nalazi sjedište, odnosno poslovna jedinica sa istaknutom firmom, odnosno položajne pogodnosti koje utiču na poslovanje, a nisu rezultat sopstvene aktivnosti taksenog obveznika.

Fizička lica u smislu ove Odluke smatraju se obrtnici, ugostitelji, trgovci, prijevoznici i ostali koji svoju djelatnost obavljaju samostalno.

Pravna lica u smislu ove Odluke su Javna preduzeća, osim onih čiji je osnivač Općina, osiguravajuća društva, društva ograničene odgovornosti (d.o.o.), dionička društva (d.d.), akcionarska društva (a.d.), banke, bankomati (bez obzira da li se nalaze u sklopu poslovnih prostorija banke ili odvojeno), sportske kladionice, apoteke, rudnici, kamenolomi i sva druga pravna lica (bez obzira na djelatnost kojom se bave) čija je zakonska obaveza registracija u sudskom registru.

Imajući u vidu navedeno, predlažemo Općinskom vijeću donošenje ove Odluke uz eventualne primjedbe i sugestije.

**OPĆINSKI NAČELNIK**

**Kovačević Avdija, dipl. pravnik**